



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Principia tenenda erga Concives & alienigenas.

[urn:nbn:de:hbz:466:1-54750](#)

Principia tenenda erga Concives &
alienigenas.

IDem obtinebis, si servas alterum, quod regula præcipit, ut scilicet omni te inordinato affectu nationali exuas, qui ad altercationes, tumultates, dissidentias, animositates, conspirationes planissimam sternit viam, præcipuis muniis aspergit labem, merita apud Deum multa vel tollit, vel imminuit, & in quacunque florentissima Religione plurima corrumpit. Te in hoc valetudinario decumbere signum est, si à natione alia aversionem sentias, in tuâ tibi purè complacens, si cum indignatione interna, lèpè se prodente exteriùs, vituperia patriæ tuæ audiás, etiam joco allata: si quod agit patriota, bonum videtur in oculis tuis, non item quod alienigena: si illius, non hujus dicta facta in bonam interpretaris partem: si, dum exterius ob scientiam, virtutem, variáque talenta extollitur, inter tuos patriotas statim tibi fingas non tantùm æquales, sed & superiores. Si studium tuum sit ad ulteriora eos promovere, non alias: si tibi in patria tua habitanti alius ibidem sit nimius aut exosus: si post varia alibi gesta, obitaque munera inquietus es, donec redeas ad locum nativitatis tuæ: si misera nationalia principia tua, dum senior jam unum pedem quasi in sepulchro tenes, adhuc junioribus inspiras, & sic per te non stat, quò minus pestis illa nova semper capiat incrementa.

38 *Pars prima*

Frustrà omnimodam erga nationes omnes in-differentiam, & imparialem erga quemlibet af-fectum profiteris exteriùs, si reapse coram Dèo non habes: utcunque enim os, manus, ocu-los, gestus, mores in plicas artificiosè compo-ponas, erumpet tandem cum tuī confusione, & conceptuum tuorum explosione sinister affectus tuus, non secùs ac futori latens in sacculo subu-la. Et ratio in proposito est: quia morbo tali affectus [utcunque astutus tibi esse videaris & circumspectus, benevolùmque animum, obse-quiaque tua addicas aliis] reipsâ nec es prudens, nec sincerus, &, ut finem intentum assequaris; technis & artificiis uti debes. Frustrà autem ja-citur rete ante oculos pennatorum, & qui sim-plices sunt hoc sensu, quòd malint decipi, quām decipere: ideo non sunt hebetes, plurāque sa-gacitate penetrant, ac tu putas, sícque tandem post multa speciosè gesta omnis erga te æstimatio naufragium patitur. Examina te super jam di-cta, impende conatum omnem, ut in juventute Iolia sinistri & immoderati nationalis spiritûs era-dices, ejusque signa modò à me collata in te non appareant. Hoc ratio primùm, dein vocatio tua, demum amor & gratitudo religioni, cui mancipatus es, debita à te exigunt.

Doctrinâ & scientiâ variâ cùm exultus sis, ar-gumenta à ratione petita se tibi ultrò oggerent plurima. Ego hoc solùm ingero, peregrinum generosum vinum non tantùm tibi præplacet, si in tua patria vites lacrymentur acetum, sed & bos, porcus, & asinus, si melior sit, quām in-dige-

digena: cur ergo non homo, & quidem vinculo fraternitatis tibi in Christo JESU adstrictus? si melior quoque quoad genium, virtutem, scientiam, cæteraque animæ ornamenta sit, ac patriota tuus, sicut hoc subito exploratum habere non potes, ita nec subito quædam animi aversio te debet in transversum rapere ab hoc, illo collegâ, eò quod non sit concivis tuus. Vulgare est proverbium Germanis: si canem transfilis, facile & caudam superabis, amorem inordinatum erga carnem & sanguinem (qui magis naturæ impressus est, & difficiliorem luctam causat) domare potuisti parens vocanti DEO, juxta illud Gen. 12. *Egredere de domo tua, & de cognatione tua,* cur non & posses inordinatum erga patrias affectum exuere?

Jam institutum & vocationem tuam, ô homo Societatis, & hoc, quod eidem debes, quod attinet; quomodo, obsecro, possibile est, ut luem hanc venenatam non excutias? non vocavit te DEUS ad cœnobium aliquod, quod peregrinis, per capitulare placitum occlusum, solis patet indigenis, cuius Superior, cæterique Officiales & incolæ nil viderunt, nisi quod sub suo horizonte est, nec rapas aut olera alibi putant esse tam sapida. Domus, quas in quatuor orbis partibus habet Societas, Principum ac piorum hominum liberalitate fundatae sunt etiam pro te: non in quantum hujus vel illius nationis es, sed in quantum è Societate JESU es, & sicut cum tuis tu nihil ad hæc omnia contribuisti, ita nec, utcunque inordinato distraharis affectu, ex his omnibus

bus vel pugillum glebæ tuæ patriæ adjicere, aut alteri demere, aut etiam aliò missus tecum asportare poteris. Sicut mortalis vita tibi nec unum spondere potest certum diem, ità institutum tuum nec unum certum locum. Unum I. S. Xaverium Indianum Apostolum, nisi mors prævenisset, ex Indiis conjectisset in Europam, & tu hodie hic, cras alibi eris, & ubique vitæ tuæ tempus transiges, non tantum non de longa in uno loco mora lecurus eris; sed & in quolibet à Præposito Societatis assignari tibi poterunt Superiores & collegæ ex longè remotis terris, & quatuor orbis partibus. Quid hæc omnia inclamant aliud, quam quod tibi omnis, & nulla terra sit patria? Sed amor erga patriam, dicens, honestus tamen est, à natura inditus, ab antiquitate, sacris paginis, & SS. PP. laudatus, immò vero, si intrà limites à ratione ac virtute præscriptos maneat, si, dum confidentius agis cum patriota, quam alio, id nec oriatur ex averione erga hunc, nec cœco affectu erga illum, sed quia illius, non hujus indolem ac virtutem nosti juxta tritum illud: *Fide, sed cui, vide.* Hic solùm ago de inordinato & noxio nationali spiritu, qui dissidentias parit, in tectas conspirationes abit, & Societatis fundamentum; quod est genuina tot inter nationes unio, posset subvertere, & gloriam à Majoribus nostris partam, primævumque spiritum corrumpere, quem adhuc cum omnium malè volentium stupore ac confusione, & summo nobis benevolentium gaudio vigere dicebat PP. Congregatis summus

Pon-

De operibus quotidianis.

41

Pontifex anno 1730. dum ex tot nationibus
Congregati seposito omni erga nationes suas af-
fectu, & nil nisi commune bonum spectantes,
primo in scrutinio secretis suffragiis unanimiter
Caput elegerunt Societatis, & inter Gallos, Hi-
spanos, Italos, Lusitanos, Americanos, Po-
lonos, Belgas, Germanos verè fuit cor unum
& anima una, & hanc ob causam Societatem
idem summus Pontifex murum Ecclesiae firmissi-
mum appellabat. Hæc ipsa Societas mater no-
stra, cum castrorum suorum aciem velit semper
bene ordinatam, & sine ullo hiatu coadunatam,
inclamat cuique indies illud Apostoli ad Philip. 2.
*Si qua consolatio, si quod solarium caritatis, si qua
societas spiritu, si qua viscera miserationis, imple-
te gaudium meum, ut idem sapiatis, eandem
[erga cuiuscunque nationis collegas] caritatem
habentes, unanimis, id ipsum sentientes, nihil
per contentionem, per privatas amicitias, con-
spiraciones, confabulationes in præjudicium
tertii, boni communis aut privati, qualia mon-
stra ab inordinato nationali spiritu solent enasci.
Ratione affectus erga carnem & sanguinem hæc
tria solummodo inculco principia. 1^{mo}, sicut
te non debet pudere tuorum, qui tenuioris for-
tunæ sunt, dum tu in autoritate & æstimatio-
ne hominum es, ita vel maximè cavendum, ne
te cum contemptu quasi confratrum tuorum in-
flet tuorum fortuna, nobilitas, honores. 2^{do},
an, quando, & quomodo tuis salvâ religiosâ
perfectione possis assistere, desuper consule vi-
rum prudentem ac religiosum, & nil fac sine
scitu*

42 Pars prima

scitu & approbatione tuorum Superiorum. *grīo*,
ad affectum magis magisque purificandum altè
in animum immitte illud S. P. N. monitum, ut
scilicet assuēscant nostri loquelaे veri Religiosi,
mundoque mortui, adeoque non dicant aut co-
gitent se habere, sed habuisse parentes, fratres,
consanguineos. Sicut enim mortuus corporali-
ter affectum erga carnem & sanguinem amplius
non sentit, ita affectus in civiliter mortuo sal-
tem erit moderatior erga id, quod se habuisse,
non autem amplius habere se cogitat.

§. IX.

De cōversatione cū proximis.

Dum foras itur ad conversandum, fructifican-
dum, mente volvi possunt mox hæc, mor-
illa ex sequentibus: *Notam fac mihi viam, in*
qua ambulem, quia ad te levavi animam meam.
Ps. 142. Quis sapiens, & disciplinatus inter vos,
ostendat ex bona conversatione operationem suam.
Jacob. 3. Dominus custodiat introitum & exitum
meum ex hoc nunc & usque in seculum. Psal. 120.
Gressus meos dirige secundum eloquium tuum, &
non dominetur mei omnis injustitia. Ps. 118. Exi-
bit homo (Societatis) ad opus suum [conforme
sublimitati vocationis suæ] & ad operationem
suam usque ad vesperum. Ps. 103. Juxta regu-
las, quæ inutiles, vanas, sensuales, aut tem-
poris fallendi causâ assumptas vetant conversa-
tiones. Ab omni via mala prohibui pedes meos,
ut custodiam mandata tua. Ps. 118. Utinam di-
rigas.